



BIBLIOTHECA
UNIV. JAGELL.
CRACOVENSIS

53417


I

Mag. St. Dr.

P

Quaestio de magne

te.



QVÆSTIO DE MAGNETE

Magneticisque corporibus,

PHYSIOLOGIS,
ASTRONOMIS,
GEOGRAPHIS

A

M. ANDREA ZEDZIANOWSKI,
*in alma Academia Cracoviensi ad disputandum
publicè proposita, Anno MDCXXI.
Die IIX. Æquinoctii Verni.*

Permissu M.D. RECTORIS.

CRACOVIAE.

In Officina Typographica Francisci Cesarij.



IN INSIGNIA ALMÆ ACADĒ-
miæ Cracouiens.



53417-

O Princeps sapientiæ magistra,
Virtutis gremium, & sinus Polonæ.
Hoc Sceptro gemino, Polis in ipsis,
Iam pridem tua collocata regnat
Laus, Sceptro sapientiæ parata.
Regnas Syderibus, solum corusco
Ornas lumine. me, tuum, petentem
Maternum in gremium fove & tuere,
O Princeps sapientiæ magistra.

CELEBERRIMO
SENATVI ACADEMICO
Totique Reipublicæ Literariæ
INCLYTÆ,

Admodum Reueren : & Mag: Dno.
D. R E C T O R I, DD. D O C T O R I B V S,
& Professoribus dignissimis, DD. & Patronis de-
bito obseruantie cultu venerandis.

MULTÆ SUNT ARTES & DISCIPLI-
na, Dei beneficio à mortalibus adinuente, Viri A-
cademici, quibus vitam hanc, multis procellis &
periculis expositam atq; implicitam tuentur & or-
nant: nulla tamen videtur esse vel magis proficua,
vel cuius utilitas omnibus sit obuia, quàm natura-
lis scientia, quæ adita profunda & inexhaustam
Amphitritæ abyssum miratur & rimatur. Hac
enim de causa hominem ab opifice mundi, in hoc orbis terrarum theatro,
audio, operum suorum esse spectatorem collocatum: ut in suis suæq; poten-
tia ac sapientie cognitionem ac admirationem, ex assidua illarum con-
templatione deducatur. Ac, quis sana mentis eat inficias, permulta esse
in natura ad discutiendum difficilia? Aristoteli animi nostri sunt victi-
coracis oculi ad clarissimam lampada natura, Socrati scientia nostra Ci-
meriæ tenebra, in quibus tanquam iis quæ perobscura sunt, M. Tullio est
dulce ingeniorum pabulum, & quæ non nisi sola victrice superantur so-
lertia. Quis enim Antipathiam occultarum qualitatum & Sympathiam
in animatis inanimatisq; non mirabitur? Penna Ibis Arabum serpen-
tes sistit, fons in Halefino Sicilia tractu, si resonent tibia exultabundus ad
cantum eleuatur, & ultra margines intumescit, Sed videte portentum!

Quale neque militaris
Daunia, in latis alit Esculetis
Nec Iubæ tellus generat, Leonum
Arida nutrix.

Leo etenim magnanimus nec Tigres, nec Crocodilos, non Elephantos, non Tauros feroces, præter gallum gallinaceum metuit, & caudam pavitantem sub ventre recondit. Magnam profectò hæc pariunt admirationem, quæ ut difficilia sunt pulchra, ita quisque expetit eadem accuratè inuestigare. Porro ut cupido sciendi alio tenet, cum Sole unà currere, cum Luna accessum & recessum seruare: aureas cum Platone & Archimede volutare sphas: cum Samio & multiformi Pythagorâ numeros caelestes replicare: ita mihi volupe est in vim Magneticam, aciem mentis intendere, quæ diuersas orbis plagas indicat, variationem celi designat, nocte cæca in alto Oceano fluctuantibus nautis, imò consensu omnium, in fodinarum salis recessibus caliginosis Thesæi filum porrigit. Dirigit cursum Magnes? sequi decet. Indicat Polos caelestes? spes in lucro. Declinat in Austrum & Septentrionem? non tenuis est gloria. Trahit ferrum? optima habetur sympathia. Quis Magnes quæso reperitur præstantior Alma Academia Crac: quæ toti Septentrioni suis Polis fulget. Dirigit cursum Magnes? Academia bene viuendi rationem viamque demonstrat. Indicat Polos Magnes? Indicat & ista felicitatis apicem. Declinat in Austrum & Septentrionem? ista æquè Ecclesiæ atq; Reip: commodat. Trahit ferrum Magnes? trahit & illa viros omni virtute ac eruditione ornatos (& quos ardens euexit ad athera virtus.) ad labores continuos perferendum natos. Quare vestrum Magnetem, viri doctissimi, dum admiror, subito splendore illius, & mea literarum tenuitate grauiter perturbor. At credula spes fouet in melius, & Vestra in me & alios beneuolentia abundè satis perspecta, præsentisq; temporis trutina ingeniorum iubet, præcipuè verò magnus amoris Magnes Amor literarum suadet, sympathiam versorii mei (si fas est parua componere magnis) vestro felici Polo subijcere. Non enim laudem sequor, non auram popularem capto, non præmium cogito, sed patrocinium & amorem vestrum mihi, venerandisq; musis, quæ me venientem huc excepere, exceptum erudiere, eruditum ornauere, exopto efflagitoq;. Fauete igitur & cum Polo Arctico Septemtrioneis Musis, æternum imperate, ac felices vivite.

Q V Æ S T I O.

V. Ea, quæ de Magnetis virtute ferri ad se attractiua, eiusq; divortio, dissidio, cæterisq; impedimentis in attrahendo, potissimum quæ de obelo compassi traduntur, illum artificiosè excitum secundùm terræ lam & naturam Magnetis, Polorum situm, & lineam Meridianam ostendere, & à Polis mundi, in quibusdam locis ita declinare, vt ex ea declinatione, longitudo locorum possit inuestigari, sint meritò approbanda, nec ne?

DEFINITIONES.

1. *Obelus est versorium in compasso, Magnetis affrictione*

ctione excitum, velut animatum, ostendens lineam meridianam.

2. Obeli extrema sunt duo: Philarctus, ostendens Boream, vulgò sagitta, seu lingula Magnetis; & Misarctus, ostendens Austrum Scaligero Vrsodia.
3. Terrella est Magnes globosus ceu Peripheria telluris, ejusdem homogenea soboles, unde abstruse vires miserâ caligine abscondite, pro vigore & qualitatis ratione innotescunt, Græcis $\mu\alpha\gamma\eta\tau\eta\varsigma$.
4. In Magnete duo sunt Poli sensibiles, quorum alter in tellure, qui Cynosuram respicit, Borealis & Arcticus dicitur: alter Austrinus & Antarcticus, uterque Polos mundi indicat.
5. Declinatio Obeli, est deviatio à linea meridiana, seu quoddidem est Philarcti discessus à Septentrione.
6. Dum ad ortum Magnes declinat à $\alpha\upsilon\tau\omicron\lambda\omicron\upsilon\mu$ habetur.
7. Versorium dum occasum petit $\alpha\upsilon\tau\omicron\lambda\omicron\upsilon\mu$ dicitur.
8. Magneticum excitum, quod à magnete vires acquisiuit.
9. Paralleleticè observamus, ad projectionē paralleli.
10. Longitudo locorum ea significatione ponitur, que in Astronomia usurpatur, pro distantia Meridiani à primo Meridiano.

Non

CONCLUSIO I.

Et si admirabile non tamen improbabile censendum est, in Magnete residere potentiam motricem ad ferrum obiectum ad se alliciendum.

COROLLARIA.

1. Duo sunt, quæ motricem Magnetis primariam & radicalem nutriunt, ac promouet, Poli nimirum influxus, & genuina ac homogenea substantia ferri, quo cum habet sympathiam.
2. Non est existimandum, vim agendi Magnetis esse proprietatem, quæ competat quinq; illis, à Plinio lib: 3. cap: 16. enumeratis Magnetum generibus, sed firmiter & indubitanter tenendum etiam aliis, si qui sunt, Sunt autem pro diuersitate terrarum & regionum varij, licet inequaliter secundum magis & minus.
3. Inter ferrum & Magnetem longè maior intercedit cognatio, quàm sit affinitas ferri ad ferrum, Et ut astra recipiunt lumen à sole, ita etiam ferrum recipit virtutem à Magnete per affrictionem.
4. Hinc etiã Fortior est unitio Magnetis armatæ asside, quàm inermis, in ponderibus grauioribus attollendis.
5. Non tantum in proximum passum à vigore Magnetico

gnético motiones excitantur, sed etiam in distans, solidis interiacentibus corporibus, necquicquam obstantibus, vnâ excepta lamina ferrea, quæ attenuare virtutē Magneticam secundum quosdam videtur.

6. *Quapropter tantum abest, virtutem Magnetis frequenti attractione extenuari, & iniurijs aëris marcescere, ut potius scobe ferri seu aciarij puri non rubiginosi conseruetur.*

CONCLUSIO II.

Falsa sunt, quæ de Magnetum dissidio, diuortio, cæterisque in attrahendo impedimentis circumferuntur.

COROLLARIA.

1. *Erroneum est, virtutem Magneticam extendi præter ferrum ad aliud corpus, potissimum verò vitrum aurum, cuprum & alia corpora.*
2. *Magnetis naturam impediri allio, & ceparum fetore, repugnat quotidiane experientiæ.*
3. *Vanum est, asserere per iuxta positionem Adamantis ad Magnetem motionem ferri impediri, cum potius ferrum exesum & rubigine lesum culpandum, quàm Antipathia, quæ nulla habetur.*

Contin.

4. *Contingit aliquando argentū & alia metalla moueri à Magnete, non ut sunt talia metalla, sed ut scitè immiscetur illis ferrum.*
5. *Et ut omne mouens est simul cum moto, ita non liquet, Theamedem tam magnificam habere vim contra ferrum, ut illud valeat abigere, ab omni parte Magnetis.*
6. *Ignificatio ferri ad Magnetem, & è contra, non confirmat sed infirmit virtutes motrices, & attractiones Magnetis.*

CONCLUSIO III.

Obelus compassi artificiosè excitus secundum terrellam & naturam Magnetis, situm Polorum lineamque Meridianam ostendit.

COROLLARIA.

1. *Obelus pro affriktionis varietate & arte super terrellam, valentius aut egrius officio suo fungitur.*
2. *Magnetis usus duplex à diuersis optimè excogitatus, ab antiquis attractionis gratia, à Flavio autem Melphio diuinitus adinuentus, ad lineam Meridianam & Polum inuestigandum.*

3. *Experientia compertum est, solo ductu obeli quasi Thesei filo, cum neq; terra vsq; iam, neq; vlla apparent Sydera, medio oceano naucleros clauum nauemq; dirigere, & ad omnes orbis partes etiam ad Antipodas absque errore deducere posse. Quod pari iudicio in fodinarum salis recessibus caliginosis statuimus.*
4. *Vt separata diuersum motum sortiuntur: ita etiam diuersæ indicationes in Magnete proueniunt, ex diuisione non Parallelica.*
5. *Quemadmodum autem virtus Magnetis est tota in toto, & in qualibet parte sui tota; ita indicatio Poli non tantum in partibus Magnetis solidis, sed etiam partibus milij magnitudinem non excedentibus, conspicua habetur.*
6. *Consequenter etiam motus versorij, argumento esse potest colligendi, ex puncto Boreali partem Australem, & ex discessu Philarcti & Anatolismi, alias cali partes.*

CONCLUSIO IV.

Quamuis obelus compassi respiciat Polos & lineam Meridionalē, nonnunquam tamen in locis quibusdam ab eisdem conspicitur declinare.

CORO-

COROLLARIA.

1. Declinationis Magnetica à suis Polis, causa est desumenda pro diuerso cali aspectu terræq; situ. nam cum habeant diuersas proprietates, quid mirum? si diuersimodè afficiant Magnetem secūdum influxum loci.
2. Neq; etiam illa aspernanda est causa declinationis, quod magnes diuersam habet virtutem respectu Æquatoris & respectu Polorum.
3. Gilbertus de Magno Magnete, variationem declinationis in obelo statuit, quod cominus aut eminus respiciat Polum.
4. Propter terrenas eminentias, ut à vero meridiano auocantur Magnetica: ita etiam ultra genuinam conformationem, versorium declinat.
5. Porro causa illa plus arridet, cuius effectus partim à telluris natura, partim à versorij dispositiōe prouenit.
6. Itaq; si partes terre essent rotunde, non manere & abruptæ, non hæc viseretur inæqualitas declinationis.

CONCLUSIO V.

Ex declinatione obeli seu versorii longitudo locorum non est planè peruestigabilis.

COROLLARIA.

1. Varios esse modos inuestigande longitudinis locorum,
regionum

- regionū, ac ciuitatū traditos à cosmographis nō inficiamur: nullū tamen ex illis obelo competere, liquet.
2. Neq; dubitandum est, in obelo reperiri inaequalem variationem cum propter diuersam terrarum positionem, tum maxime propter accessum & recessum.
 3. Impossibile est longitudinem locorum cuiuscunq; Ciuitatis & loci mensurari posse, potissimum sine ratione Eclipseos, aut Meridiani.
 4. Meridiani tamen regulam obelum quandoq; non insequi, minimè dubitamus.
 5. Equidem loca diuersa, vt inaequales Meridianos sortiuntur, ita ex declinatione obeli, varia circa inuestigationem locorum contingit mutatio.
 6. Cum gradus & minuta obelus non admittat, arduum est tam ex cognitione Poli, quàm ex declinatione obeli, longitudinem inuestigare.

Sub felicibus auspiciis Magnifici & Admodum
Reuerendi Domini I A C O B I T V R O.
B O Y S K I Sacrae Theol: Licent: Ecclesiarum
Collegiatarū S. Floriani Decani, SS. Omnium
Præpositi, Vniuersitatis Cracouiensis Ge-
neralis RECTORIS.



m
O.
m
m

